

গুগল সার্চের কৌশল

(পর্ব-১)

হাসান মাহমুদ

হট করে যখন কোনো কিছু প্রয়োজন হয়, যেমন কোনো ইনফরমেশন, সফটওয়্যার ইত্যাদি। সাথে সাথেই আমরা গুগলে সার্চ দিই। এরপর অনেক ফলাফল থেকে নিজের প্রয়োজনীয় ফলাফল বেছে নিই। বর্তমানে গুগল হচ্ছে সবচেয়ে শক্তিশালী সার্চ ইঞ্জিন। এ লেখায় ধারাবাহিকভাবে গুগলের বিভিন্ন খুঁটিনাটি টিপ এবং সহজে সার্চ করার কিছু কৌশল নিয়ে আলোচনা করা হবে।

প্রয়োজনীয় কয়েকটি গুগল সার্চ টিপ

শিরোনাম দিয়ে খোঁজা : কোনো বিষয়ের শিরোনাম দিয়ে তথ্য খুঁজতে চাইলে উদ্ধৃতি চিহ্ন দিয়ে খুঁজলে কাঙ্ক্ষিত তথ্য পাওয়ার সম্ভাবনা বেড়ে যায়। যেমন ইংরেজি অথবা বাংলার ক্ষেত্রে বই বা Book খুঁজতে লিখতে হবে “বই” or “Book”।

অন্তর্ভুক্ত বিষয় দিয়ে খোঁজা : ধরুন আপনি হুমায়ূন আহমেদের বই খুঁজতে চান, তাহলে ড্যাশ চিহ্ন ব্যবহার করতে হবে। ধরুন আপনি খুঁজছেন বই-হুমায়ূন আহমেদ or book-Humayun Ahamed।

কোনো নির্দিষ্ট ওয়েবসাইট খোঁজা : কোনো নির্দিষ্ট তথ্য ওয়েবসাইট খুঁজে পেতে নিচের মতো করে সার্চ দিতে হবে। যেমন কোনো বইয়ের সাইট। যেমন “eB” site : ebook.com or “Maths” site:math.com।

কোনো শব্দের প্রতিশব্দ খুঁজতে চাইলে : ভালো ফল পেতে নির্দিষ্ট বিষয়ের দুই পাশে কোটেশন ও পরে বাঁকা ড্যাশ বসিয়ে শব্দটি বসাতে হয়। যেমন “Marketing”~professional বাংলায় “বাংলা” জলাধার।

কোনো নির্দিষ্ট ফরম্যাটে ফাইল খুঁজতে : যদি কোনো কাঙ্ক্ষিত ফাইলের ধরন কোটেশনে এবং ফাইল নেমে কোলন, এরপর এক্সটেনশন নেম দিতে হয়। যেমন “Song” Chammak Chalo:Mp3 or .pdf or mpeg...।

একই ধাঁচের একাধিক ফাইল খুঁজতে : আপনি যদি একই ধাঁচের একাধিক ফাইল খুঁজে পেতে চান তবে Capital-এ OR ব্যবহার করতে হয়। যেমন internet marketing OR advertising।

ফোন নম্বর দিয়ে তথ্য পেতে চাইলে : যদি কারও ফোন নম্বর ব্যবহার করে তথ্য পেতে চান তবে নিচের মতো করে লিখুন। কোডসহ ব্যবহার করুন। যেমন phonebook:+88017...।

এরিয়া কোড ব্যবহার করে স্থান জানা : এরিয়া কোড ব্যবহার করে আপনার ফোনে আসা কলটির লোকেশন জানতে পারবেন। গুগলে লিখে সার্চ দিন। যেমন ৬১৭।

চিত্র খোঁজা : চিত্র খোঁজার ক্ষেত্রে google থেকে Image সিলেক্ট করে সার্চ বক্সে কাঙ্ক্ষিত ইমেজের নাম লিখুন। এতে শুধু ইমেজের নাম দেখাবে, Video select-এ ভিডিও দেখাবে। এতে অন্য তথ্যের ভিডিও কমে। যেমন উপরের অংশ থেকে Image এবং Search বক্সে টেক্সট।

গুগল থেকে নির্দিষ্ট সাইটে সার্চ : বক্সে এক্সটেনশন নেমসহ তথ্য, এরপর in বসিয়ে সাইটের নাম লিখুন। ফলে ওই নির্দিষ্ট সাইটের কাঙ্ক্ষিত তথ্য পাওয়ার সম্ভাবনা বাড়ে। যেমন Locker in comjagat.com।

গুগল থেকে যোগ-বিয়োগ-গুণ-ভাগ করা : আপনি সংখ্যাগত তথ্যের গাণিতিক সমাধান পেতে নিচের মতো করে লিখুন। অথবা সূত্রের ব্যাখ্যা পেতে সূত্রটি লিখুন। যেমন 48512*1.02।

কোনো কিছুর সংজ্ঞা পেতে : আপনি যদি কোনো শব্দের সংজ্ঞা পেতে চান তবে কোলন দিয়ে লিখুন। যেমন define:plethora।



কোনো সফটওয়্যার খুঁজে পেতে : প্রয়োজনে কোনো সফটওয়্যার খুঁজে পেতে চাইলে ফাইলটির ধরন লিখে কোলন দিয়ে সফটওয়্যারটির নাম লিখে .exe দিন। যেমন Multimedia:photo editing.exe।

কোনো প্রশ্নের উত্তর পেতে চাইলে : আপনি যদি কোনো প্রশ্নের উত্তর খুঁজে পেতে চান তবে গুগলে প্রশ্ন লিখে সার্চ দিন। যেমন বাংলাদেশের বর্তমান গ্যাসক্ষেত্র কতটি? ২০১১ ইংরেজিতে Ask.com or answers.yahoo.com-এ লিখে সার্চ দিন।

গুগল সার্চের টুকিটাকি তথ্য

গুগলে কোনো কিছু খোঁজার দরকার হলে আমরা নির্দিষ্ট শব্দ বা বাক্য/বাক্যাংশ দিয়ে সার্চ করাই সম্ভব থাকি। কিন্তু সঠিকভাবে সার্চ না করার কারণে অনেক সময় গুগল অপ্রয়োজনীয় সার্চ রেজাল্ট বা ওয়েব পেজে যাওয়া আমাদের

মূল্যবান সময় নষ্ট হয়। ধরুন, আপনার এই মুহূর্তে দরকার আমেরিকার নিউইয়র্কের সময় জানা। আমাদের অনেকেই হয়তো গুগলে “world time” লিখে সার্চ দেবেন। তারপর সার্চ রেজাল্ট থেকে একটা পছন্দের ওয়েব পেজে গিয়ে বের করবেন নিউইয়র্কের সময়। অথচ গুগলে শুধু “time NY” লিখে সার্চ দিলে কোনো ওয়েব পেজে না গিয়ে সরাসরি নিউইয়র্কের বর্তমান সময়টি পাওয়া যাবে।

গুগল সার্চ ইঞ্জিনের কিছু জ্ঞাতব্য বিষয়

- গুগলে সার্চ কোয়েরি (যা লিখে সার্চ দিচ্ছেন) কেস সেনসিটিভ নয়। bangla blogs আর BANGLA BLOGS-এর সার্চ রেজাল্ট একই আসবে।

- যতি/বিরাম চিহ্ন (punctuation) গুগল আমলে নেয় না। এ ছাড়াও বিভিন্ন বিশেষ ক্যারেক্টারকেও (যেমন @\$%^&*()=+[]\ ইত্যাদি) গুগল আমলে নেয় না। অবশ্য এর কিছু ব্যতিক্রমও আছে। যেমন C++, C#, ৮২৫ ইত্যাদির সময় গুগল বিশেষ ক্যারেক্টারকে আমলে নেয়।

ছব্বছ বাক্য/বাক্যাংশ সার্চ

আপনি যদি আপনার ইচ্ছিত বাক্য/বাক্যাংশটি রেজাল্ট হিসেবে পেতে চান, তাহলে একে আপনি [“”] বা ইনভারটেড কমার মধ্যে লিখে সার্চ করুন। যেমন “comjagat” লিখে সার্চ দিলে এই বাক্যাংশটি যেসব ওয়েবসাইটে আছে তাদেরকে দেখাবে।

নির্দিষ্ট সাইটে সার্চ

[সার্চ কোয়েরি site:sitename] এই সিনট্যাক্সে সার্চ করলে নির্দিষ্ট সাইটের ভেতর থেকে আপনার ইচ্ছিত সার্চটি বের হবে। যদি mediafire site:comjagat.com লিখে সার্চ দেন গুগল টেকটিউনস ওয়েবসাইট থেকে শুধু mediafire শব্দটির সার্চ রেজাল্ট দেবে। যদি নির্দিষ্ট কোনো ডোমেইন থেকে সার্চের রেজাল্ট চান, তাহলে

টাইপ করুন mediafire site:.bd। এ ক্ষেত্রে mediafire লেখাটি শুধু যেসব .bd ডোমেইনের সাইট আছে সেসব সাইটকে সার্চ রেজাল্ট দেখাবে।

টাইটেলে অথবা টেক্সটে সার্চ

[intitle : সার্চ কোয়েরি] অথবা [intext : সার্চ কোয়েরি] এই সিনট্যাক্স ব্যবহার করলে আপনাকে ইচ্ছিত সার্চ শব্দটি ওয়েবসাইট টাইটেলে অথবা সাইটের অন্তর্ভুক্ত টেক্সট থেকে বের করে দেবে। যেমন intitle:bangladeshi music লিখে সার্চ দিলে যেসব ওয়েবসাইটের টাইটেলে bangladeshi music কথাটি আছে, সেসব সাইটকে রেজাল্টে দেখাবে। অন্যদিকে intext:bangladeshi music লিখে সার্চ দিলে যেসব ওয়েবসাইটের শুধু টেক্সটে (টাইটেলে নয়) bangladeshi music কথাটি আছে, সেসব সাইটকে রেজাল্টে দেখাবে।

লিঙ্ক সার্চ

[link:url] এই সিনট্যাক্সের মাধ্যমে লিখুন আপনার ইঙ্গিত সাইটের url এবং সার্চ দিন। যেমন link:comjagat.com লিখে সার্চ করলে রেজাল্ট হিসেবে আসবে সেসব সাইট, যেখানে এই comjagat.com লিঙ্কটি ব্যবহার করা হয়েছে।

একই ধরনের সাইটের সার্চ

যদি আপনার একটি সাইটের অনুরূপ অন্যান্য সাইট খোঁজার প্রয়োজন হয় তাহলে পরিচিত সাইটটির আগে লিখুন related:। যেমন related:comjagat.com লিখে সার্চ দিলে গুগল আপনাকে বাংলাদেশের বেশ কয়েকটি প্রযুক্তি সম্পর্কিত ব্লগ/সাইটের সার্চ রেজাল্ট দেবে।

সংজ্ঞা সার্চ

কোনো বিশেষ শব্দের মানে জানতে চাইলে গুগলে গিয়ে define শব্দটি লিখে আমাদের নির্দিষ্ট শব্দটি বসিয়ে সার্চ দিতে হবে। যেমন define HTML লিখে সার্চ দিলে প্রথমেই আমরা HTML-এর ওয়েব ডেফিনিশন পেয়ে যাব।

শূন্যস্থান পূরণ

আপনি যার উত্তর চান, সেই বাক্যটি পূরণ করে নিন মাত্র একটি (*) চিহ্ন দিয়ে। যেমন Bangladesh was liberated in * লিখে সার্চ দিলে প্রথমেই আমাদের স্বাধীনতার বছর ১৯৭১ পেয়ে যাবেন। তেমনি Geneva is located in * লিখলে সুইজারল্যান্ড পেয়ে যাবেন।

সমার্থক শব্দ বা সিনোনিম সার্চ

থেসারাস ছাড়া গুগলে শুধু নির্দিষ্ট শব্দের আগে (~) টিলড চিহ্নটি বসিয়ে সার্চ দিলে সমার্থক শব্দ পেয়ে যাবেন। যেমন ~handsome লিখে সার্চ দিলে রেজাল্টে আসবে cute, beautiful, gorgeous ইত্যাদি।

ভাষান্তর সার্চ

Translate লিখে কোনো শব্দ, যেমন translate portakal লিখে সার্চ করলে সবচেয়ে কাছের ম্যাচ করা শব্দটিতে গুগল (তুর্কি ভাষায় কমলা) ভাষান্তর করে দেবে।

টেলিফোন নম্বর সার্চ

যদিও আমাদের জন্য খুব একটা প্রয়োজনীয় নয়, তবুও আপনি যদি যুক্তরাষ্ট্রের কোনো ব্যক্তির টেলিফোন নম্বর পেতে চান, তাহলে তার নাম ও স্টেট লিখে সার্চ দিতে পারেন। যেমন আপনি যদি Tom Jones:FL লিখে সার্চ দেন, তাহলে ফ্লোরিডা স্টেটের Tom Jones নামের ব্যক্তির টেলিফোন নম্বরগুলো আপনাকে দেখাবে। এই সার্চকে আরেকটু নির্দিষ্ট করার জন্য rphonebook: অথবা bphonebook: লিখে সার্চ দিতে পারেন। rphonebook:Tom Jones, FL আপনাকে Tom Jones নামের ব্যক্তির বাসার আর bphonebook:Tom Jones, FL আপনাকে তার বিজনেস ফোন নম্বর সার্চ করে বের করবে।

সময় সার্চ

টিউনের প্রথমেই বলা হয়েছে। Time: লিখে শহর বা স্টেটের নাম দিয়ে সময় বের করা যায়।

যেমন ঢাকার স্থানীয় সময় জানতে Time:Dhaka অথবা Time Dhaka লিখে সার্চ করুন।

আবহাওয়া সার্চ

ঠিক টাইম সার্চের মতোই পৃথিবীর বিভিন্ন জায়গার আবহাওয়ার পূর্বাভাস জানতে গুগল সার্চে লিখুন weather:[place/city] অথবা weather [place/city]। যেমন weather:Dhaka অথবা weather:Geneva। এখানে শহর বা জায়গাটি আন্তর্জাতিকভাবে প্রসিদ্ধ হতে হয়। তবে সঙ্গত কারণেই যুক্তরাষ্ট্রের প্রায় সব স্থানের আবহাওয়াই সার্চ করে পাওয়া যায়। এছাড়া যুক্তরাষ্ট্রের শুধু জিপকোড (পোস্টকোড) দিয়েও সময় সার্চ করা যায়। যেমন weather 90210 লিখে সার্চ দিলে তা আপনাকে ক্যালিফোর্নিয়ার বেভারলি হিলসের আবহাওয়ার পূর্বাভাস দেখাবে।

সূর্যোদয় ও সূর্যাস্ত

আবহাওয়ার মতো একইভাবে sunrise বা sunset শব্দের সাথে প্রসিদ্ধ শহরের নাম লিখে সার্চ দিলে ওই শহরের সূর্যোদয় ও সূর্যাস্তের সময় জানা যাবে। যুক্তরাষ্ট্রের ক্ষেত্রে জিপকোডই যথেষ্ট।

গুগল ক্যালকুলেটর

কোনো প্রোগ্রাম চালু না করেই প্রয়োজনে গুগল সার্চকে ক্যালকুলেটর হিসেবে ব্যবহার করতে পারেন। এজন্য আপনাকে একটি যথাযথ টেক্সট এক্সপ্রেশন ব্যবহার করতে হবে। যেমন লিখে সার্চ দিন।

$$2 + 3; 3*2+1; \text{sqrt } 9; \sin 90 + \log 10$$

গুগল কনভার্ট

এটি মূলত গুগল ক্যালকুলেটরেরই আরেকটি ফাংশন। কোনো সফটওয়্যার ছাড়াই আপনি এক এককের ডাটা অন্য এককে রূপান্তরিত করতে পারবেন গুগল সার্চ ইঞ্জিনের মাধ্যমে। সার্চ বক্সে লিখে সার্চ করুন 1 litre in gallon অথবা 1 mile in inch। দেখবেন সার্চ রেজাল্টের প্রথমেই আপনার সঙ্গিত ডাটা পেয়ে গেছেন। একইভাবে আপনি মুদ্রার এক্সচেঞ্জ রেট জানতে পারবেন। যেমন 1 USD in yen। তবে এই ফাংশনটি কিছু অতিপ্রসিদ্ধ বৈদেশিক মুদ্রার মধ্যে সীমাবদ্ধ।

যেভাবে খুঁজবেন সিরিয়াল কী

নেট থেকে ফ্রি সফটওয়্যার ডাউনলোড করলে প্রায়ই দেখা যায় তা ট্রায়াল ভার্সন। সিরিয়াল কী ছাড়া ডাউনলোড করা সফটওয়্যারটি অচল হয়ে পড়ে। গুগল দিয়ে এই সিরিয়াল কী খুব সহজে খুঁজে বের করা যায়। এর জন্য সিরিয়াল কী সার্চের শুরুতে 99ftb কোডটি লিখে স্পেস দিয়ে যে সফটওয়্যারটির সিরিয়াল কী প্রয়োজন তার নাম লিখতে হবে। যেমন avast-এর সিরিয়াল কী খোঁজার জন্য লিখতে হবে 99ftb avast।

ট্রেক ও কিজেন সার্চ

মিডিয়াফায়ারের মতো ফাইল শেয়ারিং সাইটে সাধারণত সার্চ ইঞ্জিন থাকে না। গুগল দিয়ে সেসব সাইটের ফাইল খুব সহজে সার্চ করা যায়। মিডিয়াফায়ারের ফাইল সার্চ দিতে চাইলে প্রথমে

লিখুন site:Mediafire.com। তারপর স্পেস দিয়ে ফাইল এক্সটেনশন লিখুন। যেমন mpeg, mp3, zip ইত্যাদি। একাধিক টাইপের ফাইল সার্চ করতে চাইলে স্পেস দিয়ে যেসব ফাইল সার্চ করা হবে সেসব ফাইলের ফাইল এক্সটেনশন লিখতে হবে। যেমন মিডিয়াফায়ার থেকে জেমসের অডিও গান সার্চ করতে চাইলে লিখতে হবে site:mediafire.com Mp3/wma/aac/wav "james"। এভাবে ভিডিও সার্চ করতে চাইলে লিখতে হবে asf/rm/avi/mp4/flv, ই-বুকের জন্য pdf/djvu/cbr/epub/mart/jar/lit, জিপ ফাইলের জন্য zip/rar/7zip/tar আর অ্যাপ্লিকেশনের জন্য লিখতে হবে exe।

গান সার্চ

গুগল সার্চ দিয়ে বিভিন্ন ওয়েবসাইটের ইনডেক্স থেকে গান ডাউনলোড করা যায়। এজন্য সার্চের শুরুতে লিখতে হবে inurl:(htm|html|php) intitle:"index of" mp3 "Your File name"।

উদাহরণ : ধরুন আপনি মাইকেল জ্যাকসনের "beat it" গানটি mp3 ফরম্যাটে ডাউনলোড করতে চান। তাহলে সার্চ বক্সে এই কোডটি লিখুন (inurl:(htm|html|php) intitle:"index of" mp3 "beat it")।

ভিন্ন ফরম্যাটে গানটি ডাউনলোড করতে চাইলে mp3-এর স্থানে ফরম্যাটের নাম লিখুন।

ই-বুক সার্চ

গুগল দিয়ে ই-বুক সার্চ করা খুব সহজ। ই-বুক সার্চের জন্য প্রথমে বইয়ের নাম লিখতে হবে, তারপর স্পেস দিয়ে filetype: লিখে ই-বুকের ফাইল এক্সটেনশন লিখতে হবে। যেমন pdf, djvu, cbr, epub, mart, jar ও lit ইত্যাদি। এই কোডটি অনুসরণ করুন inurl:(htm|html|php) intitle:"index of" +("/ebooks"|" /book") +(chm|pdf|zip) + "Your book name"। যেমন আপনি oreilly ই-বুকটি ডাউনলোড করতে চান। তাহলে লিখুন inurl:(htm|html|php) intitle:"index of" +("/ebooks"|" /book") +(chm|pdf|zip) + "o" reilly

সফটওয়্যার সার্চ

গুগল সার্চ দিয়ে বিভিন্ন ওয়েবসাইট থেকে সফটওয়্যার ডাউনলোড করা যায়। এজন্য সার্চের শুরুতে লিখতে হবে inurl:(htm|html|php) intitle:"index of" exe "Your Application name"।

উদাহরণ : 7zip সফটওয়্যারটি ডাউনলোড করতে চাইলে সার্চ বক্সে এই কোডটি লিখুন inurl:(htm|html|php) intitle:"index of" exe "7zip"।

অ্যাডভান্স সার্চ

গুগলে অনেক সময় কোনো কিছু সার্চ দিলে উপযুক্ত ফল পাওয়া যায় না। সেসব ক্ষেত্রে গুগলের সার্চ বক্সের পাশেই ছোট করে লেখা Advance Search-এ ক্লিক করে সার্চে নিয়ন্ত্রিত প্রয়োজনীয় ফলাফল পাওয়া যায় [ক্লিক](#)

ফিডব্যাক : faisalb01@gmail.com